

## Gweithgaredd prosesu Iechyd a Gofal Digidol Cymru (DHCW) i gefnogi dinasyddion Wcráin sy'n dod i'r DU

Er mwyn darparu cymorth i ddinasyddion Wcráin sy'n ffoi rhag y gwrthdaro yn Wcráin, bydd Llywodraeth Cymru (LIC) a phartneriaid yn y sector cyhoeddus yn prosesu data adnabyddadwy personol y bobl hynny a'r rhai sy'n eu noddi i ddod i'r DU.

Bydd y data'n cael ei gasglu o sawl ffynhonnell, gan gynnwys adrannau Llywodraeth y DU, ac yn uniongyrchol gan unigolion.

Llywodraeth Cymru fydd y rheolydd data ar gyfer y data personol y mae'n ei gasglu, ac unrhyw ddata personol sy'n cael ei rannu â nhw gan adrannau Llywodraeth y DU.

Bydd cyflawni'r Dibenion yn gofyn am brosesu Data Personol ar ran Llywodraeth Cymru. Iechyd a Gofal Digidol Cymru fydd y Prosesydd Data. Mae'r tabl isod yn rhoi manylion y prosesu a ganiateir i'w wneud wrth gyflawni'r Dibenion.

Bydd Iechyd a Gofal Digidol Cymru yn cydymffurfio ag unrhyw gyfarwyddiadau ysgrifenedig pellach gan Lywodraeth Cymru mewn perthynas â phrosesu ar ran Llywodraeth Cymru.

Bydd unrhyw gyfarwyddiadau pellach o'r fath yn cael eu hymgorffori yn y tabl:

Disgrifiad	Manylion
Sail gyfreithiol ar gyfer Prosesu	<p>Erthygl 6 (1) (e) o GDPR y DU – Mae prosesu yn angenrheidiol ar gyfer cyflawni tasg er budd y cyhoedd neu wrth ymarfer awdurdod swyddogol a roddir i'r rheolwr;</p> <p>Mae Rhan 2, Adran 8 (d) y Ddeddf Diogelu Data 2018 — prosesu sy'n angenrheidiol ar gyfer cyflawni tasg er budd y cyhoedd neu wrth arfer awdurdod swyddogol y rheolwr gan gynnwys prosesu data personol sy'n angenrheidiol ar gyfer arfer un o swyddogaethau'r Goron, Gweinidog y Goron neu adran y Llywodraeth.</p> <p>Os yw'r prosesu'n cynnwys categorïau arbennig o ddata, y sail gyfreithlon yw Erthygl 9 (2) (g) o GDPR y DU — mae'r prosesu'n angenrheidiol am resymau sydd o fudd sylweddol i'r cyhoedd. Yr amod lles y cyhoedd sylweddol cyfatebol yw Atodlen 1, Rhan 2,</p>

	<p>Paragraff 18 y Ddeddf Diogelu Data 2018 — mae'r prosesu'n angenrheidiol at ddibenion diogelu plant ac unigolion sydd mewn perygl.</p> <p>Os yw prosesu'n cynnwys prosesu data personol sy'n ymwneud ag euogfarnau troseddol a throseddau, mae Gweinidogion Cymru yn bwriadu dibynnu ar Atodlen 1, Rhan 2, Paragraff 18 y Ddeddf Diogelu Data 2018 — Diogelu plant ac unigolion sydd mewn perygl.</p>
Pwnc y Prosesu	Bydd data personol am Ddinasyddion Wcráin (a noddwyr/gwesteiwyr) yn cael ei brosesu at ddibenion darparu cefnogaeth a chymorth i'r rhai sy'n ffoi rhag y rhyfel yn Wcráin gan gynnwys dod o hyd i lety addas.
Hyd y Prosesu	<p>Bydd prosesu'r data yn cael ei adolygu bob 6 mis, neu'n gynt os nad oes angen cefnogaeth ar ddinasyddion Wcráin mwyach.</p> <p>Bydd Gweinidogion Cymru yn hysbysu Iechyd a Gofal Digidol Cymru pan (i) fyddant yn penderfynu nad oes angen prosesu'r data a ddatgelwyd mwyach at y diben y cytunwyd arno neu (ii) pan fyddant yn penderfynu bod y gofyniad presennol i gefnogi pobl Wcráin wedi dod i ben.</p>
Lleoliad y Prosesu	Caiff y data ei brosesu o fewn y Deyrnas Unedig ac ni chaiff ei drosglwyddo y tu allan i'r DU oni bai ei fod yn unol ag Amod 2.6.6.
Natur y Prosesu	Bydd data a dderbynnir gan Lywodraeth y DU yn cael ei brosesu a'i storio o fewn y plattform data i'w rannu â Llywodraeth Cymru, y ganolfan gyswllt, yr awdurdodau lleol a byrddau iechyd lleol.

	<p>Bydd data ychwanegol a diweddar, a gesglir gan y ganolfan gyswllt, hefyd yn cael ei ychwanegu at y system, wedi'i gysylltu â data a ddarperir gan Lywodraeth y DU.</p> <p>Bydd Llywodraeth Cymru, y ganolfan gyswllt, awdurdodau lleol a byrddau iechyd lleol yn cael mynediad at y data sydd ei angen arnynt i ymgymryd â'u rolau yn unig. Bydd hyn yn cynnwys sicrhau bod gwiriadau angenrheidiol wedi'u cynnal, nodi llety addas, a darparu cyngor/arweiniad.</p> <p>Yn ogystal â'r data sy'n cael ei ddefnyddio at ddibenion gweithredol, bydd data hefyd yn cael ei brosesu at ddibenion adrodd i Weinidog Cymru a Llywodraeth y DU.</p>
Dibenion y Prosesu	<p>Bydd data personol yn cael ei brosesu at ddibenion darparu cefnogaeth a chymorth i ddinasyddion Wcráin sy'n ffoi rhag y rhyfel yn Wcráin. Bydd data personol yn cael ei brosesu i:</p> <ul style="list-style-type: none"> <li>• Roi cyngor ac arweiniad i ddinasyddion Wcráin a noddwyr/gwesteiywr i'w lleoli yng Nghymru</li> <li>• Monitro dyfodiad a symudiad diogel dinasyddion Wcráin yng Nghymru</li> <li>• Nodi a darparu llety diogel ac addas i ddinasyddion Wcráin</li> <li>• Sicrhau bod gan ddinasyddion Wcráin fynediad at wasanaethau hanfodol sydd eu hangen arnynt</li> <li>• Sicrhau bod gwasanaethau'n ymwneud ag iechyd yn cael eu darparu i ddinasyddion Wcráin sy'n cyrraedd Cymru</li> </ul>
Math o Ddata personol i'w brosesu	<p>Bydd y data yn cynnwys:</p> <p>I ddinasyddion Wcráin:</p> <ul style="list-style-type: none"> <li>• Enw</li> <li>• Dyddiad geni</li> </ul>

	<ul style="list-style-type: none"> <li>• Rhyw</li> <li>• Cyfeiriad</li> <li>• Cyfeiriad e-bost</li> <li>• Rhif ffôn</li> <li>• Statws priodasol</li> </ul> <p>Manylion unrhyw un sy'n teithio gyda nhw</p> <ul style="list-style-type: none"> <li>• Dynodwr unigryw</li> <li>• Rhifau pasbort</li> <li>• Rhifau fisa</li> <li>• Manylion am anghenion symudedd ac anghenion llety eraill</li> <li>• Dyraniad Canolfan Groeso</li> <li>• Trefniadau teithio</li> <li>• Cadarnhad o archwiliadau iechyd wedi'u cwblhau</li> </ul> <p>I Noddwyr/Gwesteiwyr:</p> <ul style="list-style-type: none"> <li>• Enw</li> <li>• Cyfeiriad</li> <li>• Dyddiad geni</li> <li>• Rhyw</li> <li>• Manylion cyswllt</li> <li>• Dynodwr unigryw</li> <li>• Manylion unrhyw un sy'n byw gyda'r noddwr/gwesteiwr</li> <li>• Cadarnhad o wiriadau DBS wedi'u cwblhau</li> <li>• Cadarnhad o wiriadau eiddo wedi'i gwblhau</li> </ul> <p>Arall:</p> <ul style="list-style-type: none"> <li>• Cadarnhad o wiriadau talu wedi'u cwblhau</li> </ul> <p>Gellir casglu neu rannu meysydd data ychwanegol yn ystod y ddarpariaeth barhaus o gymorth i ddinasyddion Wcráin.</p>
Categoriâu Pynciau Data	<p>Bydd gwrthrychau data yn cynnwys:</p> <ul style="list-style-type: none"> <li>• Dinasyddion Wcráin sy'n ffoi rhag y gwrthdaro yn Wcráin, gan gynnwys oedolion a phlant</li> <li>• Trigolion y DU sy'n noddi/croesawu dinasyddion Wcráin yng Nghymru.</li> </ul>

	<ul style="list-style-type: none"> <li>Gwybodaeth archwilio sy'n ymwneud â'r rhai sy'n cyrchu'r platfform data</li> </ul>
Cynllunio ar gyfer dychwelyd a/neu ddiarhysio'r data unwaith y bydd y prosesu wedi'i gwblhau ONI BAI bod gofyniad dan y gyfraith i gadw'r math hwnnw o ddata	<p>Cedwir data tra bod Gweinidogion Cymru o'r farn bod angen darparu'r wybodaeth hon.</p> <p>Unwaith y penderfynir nad oes ei angen mwyach, bydd Gweinidogion Cymru yn cyhoeddi cyfarwyddiadau ar yr hyn y dylid ei wneud ag unrhyw ddata a rennir at y diben hwn a nodir uchod.</p>

O dan Rheoliad Diogelu Data Cyffredinol y DU, mae gennych yr hawliau canlynol mewn perthynas â'r wybodaeth bersonol a roddwch i ni i'ch galluogi ni i'ch cefnogi, yn benodol mae gennych yr hawl:

- i gael gfael ar gopi o'ch data eich hun
- i ni gywiro gwallau yn y data hwnnw
- i wrthwynebu neu gyfyngu ar brosesu (mewn rhai amgylchiadau)
- i'ch data gael ei 'ddileu' (mewn rhai amgylchiadau)

Fel y nodwyd nid yw pob hawl yn absoliwt.

Os ydych chi wedi cysylltu â Llywodraeth Cymru neu Iechyd a Gofal Digidol Cymru o'r blaen o ran eich hawliau ac wedi bod yn anhapus gyda'r ymateb yna gallwch gysylltu â Swyddfa'r Comisiynydd Gwybodaeth (ICO),

I gyflwyno cwyn i Swyddfa'r Comisiynydd Gwybodaeth, gallwch gysylltu â nhw:

Trwy'r post:  
Wycliffe House  
Water Lane  
Wilmslow  
Cheshire  
SK9 5AF

Dros y Ffôn: 01625 545 745 neu 0303 123 1113

Trwy'r wefan - <https://ico.org.uk/>

## Rhagor o wybodaeth

Os oes gennych unrhyw gwestiynau pellach ynghylch sut y bydd y data a ddarperir yn cael ei brosesu gan Iechyd a Gofal Digidol Cymru neu os hoffech arfer eich hawliau gan ddefnyddio Rheoliad Diogelu Data Cyffredinol y DU, cysylltwch â Swyddog Diogelu Data Iechyd a Gofal Digidol Cymru yn:

Iechyd a Gofal Digidol Cymru  
Tŷ Glan yr Afon  
21 Heol Ddwyreiniol y Bont-faen  
Caerdydd  
CF11 9AD

E-bost: [DHCWInformationgovernance@wales.nhs.uk](mailto:DHCWInformationgovernance@wales.nhs.uk)